

«Արմավիրի մարզպետ Համբարձում Մաթևոսյանի շնորհավորական ուղերձն Ամանորի և Սուրբ Ծննդյան տոների առթիվ»

30.12.2019

Արմավիրի մարզի սիրելի բնակիչներ, հարգելի հայրենակիցներ, Ի սրտե և լավագույն ցանկություններով շնորհավորում եմ ձեզ Ամանորի և Սուրբ Ծննդյան տոների առթիվ:

Միասնական և բավականին արդյունավետ աշխատանքի արդյունքում ամփոփում ենք մեր մարզի համար աննախադեպ ձեռքբերումներով և հաջողություններով առանձնացող մի տարեթիվ, որն ամուր հիմք է նախապատրաստել ավելիին հասնելու և մարզային տնտեսությունը զարգացման նոր մակարդակի վրա դնելու համար:

Ուստի եկեք ամրագրենք, որ 2020 թվականն Արմավիրի մարզը ներկայացնող մեծ ու աշխատավոր ընտանիքի յուրաքանչյուր անդամի համար լինելու է համառ ջանքերի ներդրման, արդյունավետ արարման, արատավոր երևույթների դեմ հետևողական պայքարի և նպատակների իրականացման տարի:

Հիմք ընդունելով մեր իշխանությունների որդեգրած քաղաքական և տնտեսական ճիշտ ուղեգիծը՝ վստահորեն կարող եմ ասել, որ մենք մուտք ենք գործում ոչ միայն 21-րդ դարի երկրորդ տասնամյակ, այլև մեր երկրի ու նրա մասնիկը հանդիսացող Արմավիրի մարզի զարգացման նոր շրջափուլ: Եվ հավատացած եմ, որ արձանագրելու ենք նոր ձեռքբերումներ մեր պետության և մարզային տնտեսության բոլոր բնագավառներում:

Թանկագին բարեկամներ, եկեք Նոր տարին դիմավորենք մեկս մյուսին նեցուկ լինելու, «<մենք>>-ի գիտակցումը «<ես>>-ից գերադասելու, համընդհանուր շահերով առաջնորդվելու և միմյանց նկատմամբ սերն ու հանդուրժողականությունն ավելացնելու գիտակցումով: Եվ այս պարագայում, հավատացած եղեք, անխուսափելի կդառնան մեր հաջողություններն ու ձեռքբերումները:

Կրկին շնորհավորելով բոլորիդ այս լուսավոր տոների կապակցությամբ՝ նախ ցանկանում եմ խաղաղություն մաղթել մեր Մայր հողին, անվտանգ ծառայություն մեր երկրի սահմաններն անսասան պահող քաջորդիներին և խոնարհվել հանուն հայենիքի նահատակված հերոսների հիշատակի առջև:

Թող Նոր տարին բարօրություն, սեր ու խնդություն պարգևի բոլոր ընտանիքներին և դառնա նոր հաղթանակների ու սեփական ուժերի հանդեպ վստահության ավելացման տարի: Շնորհավոր Ամանոր և Սուրբ Ծնունդ: